

Broj: 07-P- 5871

Datum: 27.11.2023. godine

Na osnovu člana 21a. Zakona o zaštiti ličnih podataka BiH ("Službeni glasnik BiH, broj 49/06, 79/11 i 89/11), člana . Prečišćenog teksta Statuta KJKP "Park" d.o.o. Sarajevo, broj P-2802-3/21 od 31.08.2021, direktor donosi sljedeću:

ODLUKU

O pravilima obrade ličnih podataka putem video nadzora u KJKP "Park" d.o.o. Sarajevo

Član 1.

Ovom Odlukom reguliraju se pravila obrade ličnih podataka putem video nadzora, način postavljanja i korištenja tehničkih pomagala za video nadzor objekata Preduzeća.

Član 2.

- (1) Za nadzor objekata Preduzeća obrađivači su ovlašteni koristiti tehničke uređaje za video nadzor, te primjenjivati i druga tehnička pomagala za snimanje i digitalnu obradu snimljenih događaja u i oko objekata Preduzeća. Tehnički uređaji za video nadzor se postavljaju na vidljivom mjestu.
- (2) Korisnici usluga Preduzeća, radnici Preduzeća kao i sva lica koja dolaze u poslovne prostorije Preduzeća bit će obavješteni o vršenju video nadzora. Obavještenje će biti postavljeno na ulazu u objekte Preduzeća tako da je vidljivo svim osobama koji koriste i posjećuju objekte Preduzeća, po bilo kojem osnovu.
- (3) Postavlja se obavještenje adekvatne veličine na kojem se nalazi slika kamere i jasno vidljiv natpis "OBJEKAT JE POD VIDEO NADZOROM". Obavještenje sadrži i podatke o kontaktu putem kojeg se mogu dobiti pojediniosti o video nadzoru.

Član 3.

Svrha postavljanja video nadzora je zaštita imovine i ljudi. Ista podrazumijeva:

- Povećanje sigurnosti sredstava rada i opreme u objektima Preduzeća,
- Povećanje sigurnosti materijala i opreme u skladištima Preduzeća,
- Povećanje sigurnosti novčanih sredstava u blagajni Preduzeća,
- Povećanje sigurnosti radnika na blagajni i objektima Preduzeća,

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinskisud u Sarajevu
Brojsudskogregistra U/F/I-2558/05
Poreznibroj: 01071306;
Matičnibroj: 20379383;
Matičniregistracionibroj: 1-506

NLB Banka 1322602019095668;
UniCredit bank d.d.
3386902212020028;
Turkish Ziraat bank Bosnia d.d.
Sarajevo 1860001022085047

- Povećanje sigurnosti korisnika usluga koji se zadase u krugu objekata pokrivenih videonadzorom,
- Povećanje sigurnosti radnika Preduzeća u radnom i izvan radnog vremena (prekovremeni rad),
- Povećanje sigurnosti ljudi i imovine u drugim izdvojenim lokacijama Preuzeća (Odjeli i Poddjeli Preduzeća).

Član 4.

(1) Preduzeće će snimke nastale korištenjem aplikacije za video nadzor pohranjivati na snimaču, obrađivati i koristiti u skladu sa Zakonom o zaštiti ličnih podataka, kao i propisima koji reguliraju predmetnu oblast.

(2) Nastali snimci mogu se kopirati ili drugačije elektronski obrađivati zbog dokazivanja krađe, oštećenja vozila i imovine, ugrožavanja zdravlja i sigurnosti radnika Preduzeća ili korisnika usluga.

(3) Glavni vršitelj nadzora i rukovaoc sistema video Nadzora je Direktor Preduzeća koji jedini posjeduje ključ serverskog ormara.

(4) Direktor jedini ima pristup uređaju za snimanje ali može posebnom Odlukom ovlastiti nekog od radnika Preduzeća da ima pristup video nadzornom sistemu (u realnom vremenu ili pristup arhivi podataka) u svojstvu obrađivača podataka.

Član 5.

(1) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.

(2) Pravila obrade podataka bit će propisana posebnim aktom (Pravilnikom), koji donosi Direktor Preduzeća.

(3) Video nadzor se postavlja na adekvatna mjesta, a na temelju organizacijskih i sigurnosnih potreba, te tehničkih mogućnosti Preduzeća.

(4) Utvrđuje se da se video nadzor u KJKP "Park" d.o.o. Sarajevo, uspostavlja u Upravnoj zgradi i u RZC Pionirska dolina i ZOO vrt i da isti pokriva sljedeći prostor: protokol, Pečurka, prostor fontane, prostor na poleđini Upravne zgrade, glavni ulaz u RZC Pionirska dolina i ulaz u Upravnu zgradu, prostor kase 1, malo dječije igralište, adrenalin park sa tri strane, rekvizite (vozić, balon, mini golf, ringišpil, autodrom), baby kućica, prostor nastambe kengura, ljetna bašta, diskoton kapija, mehanizacija, restoran, centralni dio, terarij, jezero, ulaz službe mehanizacije, prostor nastambi medvjeda, tigra, pauna, golubarnika, berberske ovce, alpake, antilope, giboni, centralno dječije igralište, most-brana, bašta igralište 2, mala bašta, ljulja i kasa 2.

(5) Utvrđuje se da se video nadzor u KJKP "Park" d.o.o. Sarajevo uspostavlja u Odjelu Rasadnička proizvodnja Nedžarići i da isti pokriva sljedeći prostor: Kamera broj 1- Ulazna kapija Garten centar (Ulaz 1), Kamera broj 2- Ulaz za radnike i službena vozila (Ulaz 2), Kamera broj 3-proizvodnja, Kamera broj 4- Prodaja Garten centar i kasa, Kamera broj 5- Plastenici vanjski dio, kamera broj 6- Magacin i put, kamera broj 7- Parking kod proizvodnje za službena vozila.

(6) Utvrđuje se da se video nadzor u KJKP "Park" d.o.o. Sarajevo, uspostavlja u Odjelu Rasadnička proizvodnja Sokolović kolonija i da isti pokriva sljedeći prostor: kamera broj 1- Ulaz kapija, kamera broj 2-Parking, Kamera broj 3- Plato (neophodan material za bravariju), Kamera broj 4-istok (Rasadnička proizvodnja), kamera broj 5- Magacin, vanjski dio, kamera broj 6- Objekat za Odjel javne rasvjete-vanjski dio, kamera broj 7- Zgrada A.

(7) Postavljanje novih instalacija video nadzora će se ažurirati u skladu sa posebnom odlukom.

Član 6.

(1) Kontrolu, način i vrstu korištenja podataka koji se prikupljaju video nadzorom vršit će radnici Preduzeća, a što će biti naloženo posebnim Rješenjem. Istim Rješenjem bit će naznačeno ko ima pravo pristupa snimcima video nadzora, pod kojim uslovima i koja je procedura pristupa i vrste ličnih podataka koji se obrađuju.

(2) Pristup video zapisu može se omogućiti trećim stranama samo u slučaju incidentnih situacija.

Član 7.

(1) Kontrolor video nadzornog sistema je Direktor Preduzeća kao odgovorno lice.

(2) Kontrolor je odgovorno lice koje ima pristup monitoringu u realnom vremenu i arhivi video nadzora, te može da pristupa podacima i obrađuje podatke video nadzora u skladu sa članom 21a Zakona o zaštiti ličnih podataka BiH putem IP veze sa druge lokacije ili mobilnog uređaja.

(3) Snimljeni materijal se ne može koristiti niti u jednu drugu svrhu osim za potrebe zaštite ljudi i imovine Preduzeća.

(4) Uređaji za snimanje i administrativni centar kontrole i obrade podataka nalaze se u server sobi u direkciji Preduzeća-Upravna zgrada KJKP "Park" d.o.o. Sarajevo.

Član 8.

Preuzeće KJKP "Park" d.o.o. Sarajevo propisuje uvjete koji se moraju kumulativno ispuniti, a na osnovu kojih se video zapis ustupi Ministarstvu unutrašnjih poslova na uvid u incidentnim situacijama:

- a) Da se desila incidentna situacija vezanja za ugrožavanje sigurnosti imovine ili zdravlja ljudi,
- b) Da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji traži pristup video zapisima,
- c) Da u arhivi snimljenog materijala postoji video snimak u traženom vremenskom razdoblju.

Član 9.

Preuzeće KJKP "Park" d.o.o. Sarajevo propisuje uvjete koji se moraju ispuniti, a na osnovu kojih se trećim stranama, uključujući i medije za pristup snimcima videonadzora:

- a) Da je treće lice podnijelo pismeni zahtjev za omogućavanje pristupa video zapisima sa jasno određenim vremenskim razdobljem za koji traži pristup video zapisima kao i jasno definisan osnov za pristup istom,
- b) Da u arhivi snimljenog materijala postoji video snimak u traženom vremenskom razdoblju.

Član 10.

- (1) Lični podaci snimljeni putem video nadzora mogu se davati trećem licu uz saglasnost nosioca podataka, a bez odobrenja se ne mogu otkriti izuzev ako to nije u javnom interesu u skladu sa Zakonom o zaštiti ličnih podataka, o čemu se vodi posebna evidencija u skladu sa istim.
- (2) Sistem videonadzora koji se koristi za vršenje nadzora mora biti zaštićen od pristupa neovlaštenih lica.
- (3) Snimci pohranjeni putem video nadzora na određenom prostoru na osnovu kojih se može identificirati nosilac podataka smatra se zbirkom ličnih podataka o čemu se vodi evidencija i sadrži osnovne podatke a posebno sljedeće podatke: naziv zbirke, ime i prezime kontrolora i obrađivača podataka, stvarno mjesto obrade, svrha obrade, zakonski osnov za obradu, vrstu podataka, izvor podataka, rokove za brisanje podataka, naznaku preduzetih mjera zaštite ličnih podataka.
- (4) Vrijeme čuvanja video zapisa se čuva 30 dana nakon čega se briše.
- (5) Kontrolor donosi Odluku u kojoj određuje pravila obrade s ciljem poštivanja prava na zaštitu privatnosti i ličnog života nosioca podataka.
- (6) Pristup serveru osiguran je pomoću kodova/šifri koju jedino posjeduje Direktor Preduzeća, što je ujedno i mjera zaštite od slučajnog i neovlaštenog pristupa uređajima za snimanje.


Član 11.

Evidencija nad zbirkom ličnih podataka u smislu tehničke izvedbe video nadzornog sistema (arhivski video zapisi) definiše se članom 13. Zakona o zaštiti ličnih podataka BiH. Ista evidencija nalazi se kod Rukovodioca Službe obezbjeđenja pod nazivom KJKP "Park" d.o.o. Sarajevo-Video nadzor obrada podataka-u elektronskoj i printanoj formi. Predmetna evidencija sadrži obrađene lične podatke koje kontrolor procjeni da bi mogli biti od značaja u skladu sa članom 6. Ove Odluke.

Član 12.


Ova Odluka stupa na snagu danom donošenja i ima se objaviti na oglasnoj ploči Preduzeća i na web stranici Preduzeća.

Akt pripremile



DIREKTOR

KJKP "Park" d.o.o. Sarajevo



Dostaviti:

- Direktor,;
- SOP,
- RZC Pionirska dolina i ZOO vrt
- Odjel Rasadnička proizvodnja Nedžarići i Sokolović kolonija,
- Web stranica Preduzeća,
- Oglasna ploča Preduzeća,
- Agencija za zaštitu ličnih podataka
- a/a.

/